

EW NAMOPUNG

A awora ukukun \$15,000 seni ewe Monienapen Legislature-un Chuuk ren fan asengessin monien ewe Aninnisin Niwinin Sensen ekkewe Sukun esap an Muun, me pwan ren ekkoch popun.

Epwe pung me ren ewe Legislature-un Chuuk.

Tetten 1. Iei a kawor ukukun \$15,000, ika fite ukukun epwe tongeni naaf, seni ewe Monienapen Legislature-un Chuuk ren fan asengessin monien Aninnisin Niwinin Sensen ekkewe Sukun esap an Muun, fan pungun Sapun 9, Itenap 15, me non ewe Pukenapen Annukun Chuuk.


Tetten 2. Ei ukukun moni mei kawor non Tetten 1 epwe einet ika no-ngeni ewe Kepina, ewe epwe wisen tumunu ren an epwe chok fiti met ewe mei affat me non Tetten 1, ren mwokutukutun me nounoun ei moni, iwe esap pwan wor nounoun ei moni epwe nap-seni ei ukukun mei kawor me affat non Tetten 1. Met ukukun ei moni mei chiwen wor pwe esemwo it ne nounou non September 30, 1982, epwe niwin sefaan ngeni Monienapen ewe Legislature-un Chuuk.


Tetten 3. Ewe Kepina epwe wisen awora repotun nounoun me mwokutukutun ei moni ngeni ewe Legislature me mwen April 15, 1982, epwe affatatiw:

(1) unusen porausen nounoun ewe moni fongon me met ukukun nussun mei chiwen wor non April 1, 1982;


(2) met sakkun atoot ika anapanap ren ewe nussun moni mei wor non April 1, 1982, ren an epwe nounou non met ewe ukukun nussun ewe Fiscal Year, nge och saposapun repot epwe pwan kawor nefinen 20 ran me murin muchunon ewe Fiscal Year, ngeni ewe Legislature ika ew committee mei finita, epwe affatatiw napanapen nounoun me mwokutukutun ewe moni.

Tetten 4. Ei Namopung epwe poputa pochokuuan ika a kapunguno me ren ewe Kepina, ika pusin an winiti annuk nge esemwo kapunguno.

Sain seni: 
Tadashi C. Wainit, Speaker
Truk Legislature

Annetata seni: 
Datasi Albert
Legislative Chief Clerk
Truk Legislature

Pwinin maram: May 27, 1981

Kapunguno seni: 
Erhart Aten, Governor
Truk State Government

Pwinin maram: May 29, 1981